



REPUBLIKA E SHQIPËRISË
ENTI RREGULLATOR I ENERGJISË

Bordi

VENDIM

Nr. 136, Datë 25.06.2018

MBI

FILLIMIN E PROCEDURËS PËR SHQYRTIMIN E APLIKIMIT TË SHOQËRISË “HIDROPOWER ELEKTRIK” SH.P.K, PËR MODIFIKIMIN E LICENCËS NR. 130, SERIA PV11K, TË MIRATUAR ME VENDIMIN E BORDIT TË KOMISIONERËVE TË ERE-S NR. 59, DATË 22.06.2011, PËR PRODHIMIN E ENERGJISË ELEKTRIKE NGA HEC-ET: “SLABINJA 2A” ME FUQI 2 MW, “SLABINJA 2B” ME FUQI 1.6 MW, “SLABINJA 2C” ME FUQI 1.8 MW, “SLABINJA 2D” DHE “SLABINJA 2E” ME FUQI 3.4 MW, ME FUQI TOTALE 13.8 MW.

Në mbështetje të nenit 16 dhe nenit 43 të Ligjit nr. 43/2015 “Për Sektorin e Energjisë Elektrike”, i ndryshuar, nenit 10, pika 3 dhe nenit 15 të “Rregullores për procedurat dhe afatet për dhënien, modifikimin, transferimin, rinovimin ose heqjen e licensave në sektorin e energjisë elektrike”, miratuar me Vendimin e Bordit të ERE-s nr. 109, datë 29.06.2016, nenit 19, pika 1, gërma “a”, të “Rregullores për Organizimin, Funksionimin dhe Procedurat e ERE-s”, miratuar me Vendimin e Bordit të ERE-s nr. 96, datë 17.06.2016, Bordi i ERE-s, në mbledhjen e tij të datës 25.06.2018, mbasi shqyrtoi relacionin e përgatitur nga Drejtoria e Licencimit dhe Monitorimit të Tregut, në lidhje me fillimin e procedurës për shqyrtimin e aplikimit të shoqërisë “Hydropower Elektrik” sh.p.k., për modifikimin e licencës nr. 130 Seria PV11K,

Konstatohet se:

- Shoqëria “Hydropower Elektrik” sh.p.k., është licencuar në aktivitetin e prodhimit të energjisë elektrike nga Hec-et “SLABINJA 2A” me fuqi 2 MW, “SLABINJA 2B” me fuqi 1.6 MW, “SLABINJA 2C” me fuqi 1.8 MW, “SLABINJA 2D” me fuqi 5 MW dhe “SLABINJA 2E” me fuqi 3.4 MW, me fuqi totale 13.8 MW për një periudhë 30 vjeçare, miratuar me vendimin e Bordit të Komisionerëve të ERE-s nr. 59, datë 22.06.2011.
- Shoqëria “Hydropower Elektrik” sh.p.k, me shkresën nr. 186 Prot, datë 14.05.2018, protokolluar me tonën nr. 393, datë 15.05.2018, ka kërkuar modifikimin e licencës nr. 130, Seria PV11K, për HEC-et SLABINJA 2.

- Shoqëria Konkensionare “Hidropower Elektrik” sh.p.k, po ndërton HEC-et Slabinja 2, mbi lumin Shkumbin në zbatim të kontratës së konkensionit të formës BOT, nr. 2830 Rep dhe nr. 374 Kol, datë 03.09.2009, lidhur midis bashkimit të përkohshëm të shoqërive “LNK” sh.p.k dhe Euroterma Grup” sh.p.k. dhe METE, në cilësinë e Autoritetit Kontratues, të ndryshuar me kontratën shtesë nr. 7169 Rep dhe nr. 2194 Kol, datë 17.06.2013, ndryshuar me kontratën shtesë nr. 760 Rep dhe nr. 204 Kol, datë 05.10.2016, ndryshuar së fundmi me kontratën shtesë nr. 1206 Rep dhe nr. 512Kol., datë 15.09.2017. Kjo kërkesë vjen si rrjedhojë e ndryshimeve të skemes së dalë gjatë zbatimit të punimeve që bëri të mundur rritjen e parametrave të fuqisë së instaluar
- Duke qënë se gjatë zbatimit të punimeve për ndërtimin e HEC-eve “SLABINJA 2”, referuar kërkesës së subjektit, janë hasur probleme të shumta të cilat kanë bërë të domosdoshëm ndryshimin e skemës së shfrytëzimit të HEC-eve, lind nevoja për kryerjen e këtij modifikimi. Më poshtë rendisim disa nga shkaqet që cojnë në këtë modifikim:
 - Terreni i thyer, i papërshtatshëm dhe me formacione të pa qëndrueshme, në territorin ku kalonte ndërtimi i veprave;
 - Punimet për veprat e derivacionit kalonin në tokat bujqësore të zonës;
 - Në disa segmente gjurma kalonte në zona natyrore dhe arkeologjike të mbrojtura, për të cilat edhe pse të konstatuara me vonesë, subjekti iu drejtua Këshillit Kombëtar të Arkeologjisë i cili mbasi shqyrtoi raportin e vëzhgimit Sipërfaqësor në kuadër të zbatimit të projektit të HEC-eve “Slabinja 2B”, “Slabinja 2C”, “Slabinja 2D & 2D/1” dhe “Slabinja 2E”, në zonën e Mokrës Pogradec, me vendimin nr. 239, datë 07.04.2017, miratoi lejen për këtë projekt
- Në këtë situatë subjekti iu drejtua Ministria e Infrastrukturës dhe Energjisë (MIE), dhe Agjensia Kombëtare e Burimeve Natyrore (AKBN) me kërkesën për ndryshimin e skemës së shfrytëzimit të HEC-eve “Slabinja 2”.
- MEI me shkresën nr. 73/50 Prot., datë 05.07.2017, i ka kërkuar AKBN të bëjë oponencën teknike për ndryshimet e projektit të zbatimit “Slabinja 2”.
- Referuar oponences teknike të realizuar nga AKBN, rezulton se është eliminuar HEC-i “2A” nga skema, për shkak të kostove shumë të larta ekonomike dhe sipërfaqja e pellgut ujëmbledhës është relativisht e vogël, për rrjedhojë është reduktuar numuri i HEC-eve të parashikuara për tu ndërtuar, nga 5 në 4.
- Dokumentacioni i depozituar në ERE nga shoqëria “Hidropower Elektrik” sh.p.k., në bazë të *“Rregullores për procedurat dhe afatet për dhënien, modifikimin, transferimin, rinovimin ose heqjen e licensave në sektorin e energjisë elektrike”*, rezulton si më poshtë:
 - Neni 15, pika 4, gërma “a”: Informacioni me shkrim ku janë shpjeguar arsyet e kërkesës për modifikimin e licencës: Plotësuar.
 - Neni 15, pika 4, gërma “b”: Vendimi me shkrim i organeve drejtuese të të licencuarit të cilat shprehin vullnetin për të kërkuar modifikim licence: Plotësuar.

- Neni 15, pika 4, gërma “c”: Miratimi i modifikimit të parametrave dhe kushteve të tjera të licencës kur këto janë të kushtëzuara me miratimin nga organe të tjera: Plotësuar. Është depozituar në ERE nga subjekti shkresa e MEI nr. 73/54 Prot., datë 04.09.2017, për miratimin e projektit të zbatimit të ndryshuar, për ndërtimin e HEC-eve “Sllabinja 2B”, “Sllabinja 2C”, “Sllabinja 2D & 2D/1” dhe “Sllabinja 2E”.
- Neni 15, pika 4, gërma “d”: Ndikimet e pritshme të modifikimit të licencës ndaj detyrimeve të të licencuarit sipas legjislacionit në fuqi: Plotësuar. Reduktimi i numrit të hidrocentraleve nga 5 në 4, zvogëlon kufijtë konçesionarë duke garantuar respektimin e infrastrukturës. Rritja e fuqisë së instaluar të prodhimit të energjisë elektrike nuk sjell asnjë impakt negativ për detyrtimet e të licencuarit, sipas legjislacionit në fuqi.
- Neni 15, pika 4, gërma “e”: Të ketë plotësuar pagesat e rregullimit në ERE: Plotësuar.

Për dokumentacionin e munguar që ka të bëjë me:

- Formatin dhe dokumentacionin për aplikim, neni 9, pika 1, gërma “a” (të dhënat për aplikim); gërma “b” (të dhëna identifikuese për aplikuesit); gërma “c” (të dhëna për aplikuesin), do të njoftohet subjekti që ti paraqesë ato brenda afateve që përcakton “*Rregullorja për procedurat dhe afatet për dhënie, modifikimin, transferimin, rinovimin ose heqjen e licensave në sektorin e energjisë elektrike*”,

Për gjithë sa më sipër Bordi i ERE-s,

Vendosi:

1. Të fillojë procedurën për shqyrtimin e aplikimit të shoqërisë “Hidropower Elektrik” sh.p.k, për modifikimin e licencës aktuale me nr. 130, Seria PV11K dhënë me Vendimin e Bordit të ERE nr. 59, datë 22.06.2011, për prodhimin e energjisë elektrike nga HEC-et “SLABINJA 2A” me fuqi 2 MW, “SLABINJA 2B” me fuqi 1.6 MW, “SLABINJA 2C” me fuqi 1.8 MW, “SLABINJA 2D” me fuqi 5 MW dhe “SLABINJA 2E” me fuqi 3.4 MW, me fuqi totale 13.8MW, për një periudhë 30 vjeçare, në përputhje me ndryshimet sipas kontratës shtesë të konçesionit nr. 1206 Rep dhe nr. 512Kol., datë 15.09.2017.
2. Referuar kontratës shtesë të konçesionit nr. 1206 Rep dhe nr. 512Kol., datë 15.09.2017 bëhen ndryshimet e mëposhtme:
 - a. Hec “Sllabinja 2B”, fuqia e instaluar 1.8 MW;
 - b. Hec “Sllabinja 2C” fuqia e instaluar 3.4 MW;
 - c. Hec “Sllabinja 2D & 2D/1” (fuqia e instaluar N/1. = 4.885 MW dhe N/2. = 1.200 MW);
 - d. Hec “Sllabinja 2E” me fuqi te instaluar 3.8 MW.

Fuqia totale e instaluar N = 15.085 MW

3. Ngarkohet Drejtoria e Licencimit dhe Monitorimit të Tregut të njoftojë aplikuesin për Vendimin e Bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

Ky vendim mund të ankimohet në Gjykatën Administrative Tiranë, brenda 30 ditëve kalendarike nga botimi në Fletoren Zyrtare.